

تاریخ عثمانی انجمنی

مجموعہ سی

ایکی آیدہ برنشر اولتور

مندرجات

| | | |
|--|---|-----------|
| علمدار مصطفی پاشا (مابعد) | افضل الدین | |
| قرہ مصطفی پاشانک « شوپرون » اہالیسنہ بیاننامہ سی خلیل ادہم | آناتولی تاریخچندن : حمید اوغلری | محمد عارف |
| قرہ دکیز - ایزمیت کورفزی قانالی | صفوت | |
| سلجوق خاتون سلطان | احمد توجید | |
| کل بابا | روم بک اوغلی فخر الدین | |
| متنوعہ : مینورقہ نک فتیحی | صفوت | |
| » بروسہ دہ ولد بانج جامی | محمد عارف | |
| تفرقہ : قانوننامہ آل عثمان (ایکنجیسی) | محمد عارف | |

فیثانی ہ غروش

مرجعی - باب عالی تاریخ عثمانی انجمنی

استانبول

ایکم ازبکستان

طبعیاتی سائنس

۱۳۳۰

آناطولی تاریخنندن : حمید اوغلاری

روم سلجوقی دولتک انقراضندن سوکره آناطولیده تأسیس حکومت اینلردن بری ده « حمید بك » عاٹلهسی ایدی . بوخاندان قدیم « پیسیدیا [شمدیکی حمید آباد سنجاغیله تکه لوانسك شمالی] ، قطمه سنده ظهور و تأسیس حکومت ایدوب ، بده « ایساوریا [شمدیکی قونیه سنجاغك غرب جنوبی قسی] ، خطه سیله « فربکیا ، قطمه سنك بر پارچه سنی [شمدیکی بوردور سنجاغی] دخی زیر اداره لرینه ادخال ایلمشدر .

پیسیدیا قطمه سی اهلینسی بالخاصه آنلرله قرابتلی اولان ایساوریا لیلر مملکتلرینك مناعته منضم اولان جسارت فطریه لرندن طولایی ازمنه قدیمه ده آناطولی ده تأسیس ایدن حكوماته بیون اكاملش و رومالیلرله آنلره خلف اولان شرقی روما ایمپراطورلغنه عصر لرجه مقاومت ایتمش ایدی .

روم سلجوقیلرینك ، تأسی اواننده منوی ضمیرلری شرقی رومادولتی زیر وزیر ایتمك اولمغله مرمره دكزی ساحل لرینه و استانبول بوغازی جوارینه وصوله نصب نظر ایتمش و بونك ایچون دأتما عارضه سنز اولان فربکیا یوللرینی تمقیب ایلمش اولدقلرندن طاورس جبالتك غایت مرتفع قوللریله مستور اولدیفندن طولایی بك چوق یوكك یا بلالری ، درین اوچوروملی یالچین وادیلری حاوی بولنان پیسیدیا قطمه سی تعرضلرندن مصون قالمش ایدی .

سلجوقیلرک مذکور فکرینه اهل صلیب تجاوزاتی نهایت ویروب ، بسده تجاوزات مذکورہ دخی خاتمہ پذیر اولدقده آنلر آناطولینك مرکزنده اساسلی صورتده یرلشدیلر ، اطرافده روملر النده قالان بوکی

قطعات و مواقعك استیلانه باشلادیلر. «اسپارطه» قلعهسی ایله ملحقاتی سلطان «عزالدین قلیچ ارسلان ثالث [۶۰۰ - ۶۰۱]» زماننده سلجوقیلر انه کچدی [۱]، بوسورتله ییسیدیا ضبط واستیلا ایدلدی. سلجوقیلر اللربنه کچیردکلری شهروبلدانه اداره لرنده بولنان دیکر شهرلردن طوبلادقلری نفوسی وقرایه دخی تورکمن قبیله لرینی اسکان عادتنده اولدقلرندن ییسیدیا قطعمنده دخی بوسورتله یایمشلردر. «احمدبن احمدالحلبی» تاریخنده حمید اولادینک سلجوقیلرله تورکستاندن خروج، ممالک اسلامییه به دخول ایله اطرافه طاغیلان تورکنلرک بلاد رومده یعنی آناتولیده کوچبه صورتیه ساکن اولانلری سلالهسندن اولدیغنی بیان ایتشدر.

حمید بك [۳] و اجدادی بو تورکمن قبیله لرینک اکابر رؤساستن

[۱] سلجوق نامه: یازمچی زاده علی (روان کوشکی). تواریخ سائرده اسپارته تخیری مقید دکلر. سلطان قلیچ ارسلان ثالث زماننده فتح اولنان مملک «اغراس» اولدینی بیان اولتور. اغراس یاخود اغروس حمید آباد سنجاغنده اووده بر موقع اولوب عثمانیلر زماننده همنامی اولان قضایه مرکز اتخاذ ایدلش ایدی. «ص قونیه ولایتک ۱۳۱۷ سنهسی سالنامهسنده [ص: ۲۳۳] اسپارطه نك «شرق امپراطورلغنه مربوط مائونی دینلن بر جمعیتک تحت اداره. سنده ایکن اسلامیتک ظهوری حکامنده ممالک اسلامییه عدادینه ادخال ایدلیکی» یازمشلدر. مائونی یاخود ماوانا قرون وسطاده جنوزلرک شرقدن تجارت ایتمک اوزره تشکیل ایتدکلری بر جمعیت ایدی. مرکزى اولا فوجه شهری اولوب بعده ساقر آله سنه نقل ایدمشلدر. آناتولینک تجارت بریه و بحر به سی اللرنده ایدی. مع مافیله قطعاً مذکوره نك داخل شهرلردن بری اولان اسپارطه نك اداره سنی درعهده ایتلری سببی آکلاشیله میور.

[۲] ۹۴۱ هجری صحیفه ده کی ۲ نومرولو حاشیه ده کورولدیکی اوزره منجم باشی حمید بك ایله اوغلی دوندار بکی بر ذات ظن ایدره ک جامع الدوله «فلک الدین دندار حمید» دبه تخیرر ایتشدر. اسمی «مسامرة الاخبار» اولدینی حالده آناتولوی تاریخیه اشتغال ایدنلر طرفندن «تذکره افسرانی» دبه دیکر بر نام ویربلان اثرک استانبولده موجود ایکی نسخه سندن یکی جامع کتبخانه سنده کنی منجم باشینک بو بایده مأخذ اتخاذ ایتدیکی آکلاشیلور. کتاب مذکورک تألیف ایدلدیکی سکزنجمی عصر هجریده تخیر اولنان فارسی آثار تاریخیه نك اکثر بسنده پدر ایله اوغلك اسمی آره به «بن» کله سی

ایدیلر . پدري سلاطين سلجوقيه طرفندن مرتبه امارته نائل اولمش ایدی [۱]. حمیدك عهده سنه دخی بورتبه تفویض اولمش و سلاطین سلجوقیه به خدمت ایتمش ایدی [۲] .

حمیدك سلجوقيلرك اوان انحطاطنده همجوار لرینه تطبیق حرکتله کسب استقلال ایتدی . مع مافیه دیگر امرا کچی طوغریدن طوغری به سلجوقیلره قارشى رفع لوای عصیان ایتمدی، بولندینی خطه نك شرق طرفده تفرد ایدن اشرف اوغلتك ممالك سلجوقیه به تغلب ایدن موغوللرله وقوعبولان مختصماندن بالاستفاده کمال سکونتله دیگر تورکمن قبیله لرینی اداره سنده جمعه و اشرف اوغلتك اوجهتلرده جاری اولان قدرتی کسره موفق اولدی . النه سکیردیکی محللر « حمیدایی [۳] » و اهاالیسی دخی « حمید وضع اولتیمه رق یازلدینی جهته نسخه مند کورده او اصوله تطبیق حرکت ایدلدیکی مستبان اولیور . بواثرک هرا یکسی بر زمانده استناخ ایدلدیکی حالده آبا سوفیه کتبخانه سنده کی نسخه سنده « فلك الدين دندار » ديه محرر در . جامع الدولدن عصر لرجه اول یازیلان سلجوق نامه ده بونلرک پدر و اوغل اولدینی بیان ایدلشد . کتبخانه عمومیده موجود اولوب « طریق الرشاد الی تعریف المملك والبلاد » نامی آلتنده قید اولنان و ملک ابوالفدایک تقویم البلدان نام کتابك دیگر طرزده یازیش نسخه سی بولنان جغرافیا به ، تاریخه واقف بر ذات طرفندن یازیلان حاشیه لرك برنده دخی « سلطان فلك الدين دندار من ابناء الحمید » ديه مذکوردر .

[۱] سلجوق نامه . نشری تاریخی (ولی الدین افندی کتبخانه سی)
 ۱۸۵۵ . اون برنجی عصر دن اعتباراً تألیف ایدیلان آثار تاریخی عثمانیه ده حمیدكك سلجوقیلر عصر نده بعده نامنه نسبتله معروف اولان محللرک والیسی اولدینی بیان اولتشد .
 [۲] هنت بیشت : ادویس بتلیسی .

[۳] ممالك الامصارده مرکز اداره سی « برلو » اولوق اوزره « عمیدی » ديه مذکوردر . « یلواج » ، « قراغاج » ، « اگری دور » ، اقبیلرک دخی بوخطه حکمداریتک اداره سنده اولدینی بیان اولتشد . سلطان سلیم اول دورنده ترتیب ایدیلوب ممالك عثمانیه نك تقسیمات ملکیه سنه دائر ایلک اوله رق معلومات اعطا ایدن برکتایده حمیدلواستکا کردر ، افشار مع یارله ، اغلاسون ، یلواج ، اولوبورلو ، کونان ، کچی بورلو ، اسپارته ، بوردور ، ایرله ، کولحصار ، قره آغاج قضا لرندن مرکب اولدینی یازلشد . منجم باشی حمید ایلتی بیان ایدرکن بالاده کی اسامی به عاصی قره آغاج ، کر ، حوبران ، اغراس ، یاوجه مواقی اسملرخی دخی علاوه ایتمشد .

تورکنلری [۱] ، عنوانی اکتساب ایلدی .

حمید بکک استقلاللی یذنجی عصر هجرینک اوان اخیره سنده
ایسهده قطعی اولهرق سنهسی تعیین اولنهماز [۲] .

[۱] حمید ایل اهاالیسی سکرنجی عصر هجری نغف اولنده عربجه یازیلان
آثار جغرافیسهده « تراکین بی الحمید » دبه مذکور اولدقلری کبی تیمورلنک
وقوعاتی حاری اولهرق طقوزنجی عصرده تخریر ایدیلان تاریخلرده دخی قوم
ویا خود اولوس حمید دبه یاد اولمشلردر .

[۲] منجم باشی جامع الدوله حمید اوغللری حقنده ایکی روایت بیان
ایدر . برنجیننده : اوج تورکنلری امراسنک اکابرندن فلک الدین دندار حمید
سلجوقیلر زمانده استبداد ایدرک شمیدیکی اگر درموقته نزول واوراده برشهر
بنا ایدوب فلک آباد تسیمه ایتدیکنی بعده قوت و قدرتی تراید ایدرک اداره سنه
کچیردیکی محلرک تانته اضافته اشهار ایلدیکنی یازمشدر . بوروایتک مأخذنی تعیین
ایده منک . ۹۳۹ نجی صحیفهده کی ۲ نومرولی حاشیهده ایضاح ایلدیکی وجهه حمید بک ایله
اوغلی و خلجی اولان دوندار بکی برذات طن ایدرک هرایکینه عاڈوقوعاتی شرح ایلدیکی
آکلاشلیبور . حمید بک تورکن اکابر امراسندن ایسهده بولندینی خطه خیلی زمان
اول اوج حالتندن چیقهرق سلجوقیلرک طوغریدن طوغری به اداره سنده بولنان
محلله قالمش وغرینده بولنان ذکرلی دن ایلروسی اوج عد اولتمقده بولتمش اولدینندن
کندیسی اوج ترکمنلرندن دکل ایدی . ایکنجیننده : شام امراسندن اولان حمید بک
برسبیدن طولای مملکتی ترک ایدرک رومه کتکله سلجوقیلردن سلطان وقتک
تلطیفنه مظهر اولوب مکرماً نژدنده قالدینی . سلجوقیلرده ماهر اولدینندن
خیلی وقت بوفی حکمدارک اولاد و کوله لرینه تعلیم ایله مشغول اولدینی . بعده سلاطین
سلجوقیه طرفندن نامنه اضافته معروف اولان بلاده والی نصب ایلدیکنی ، بونک
اوزرینه استبداد ایله اگر دری بنا ایتدیکنی تخریر ایشدر . بوروایتک والی تعیینه
قدر اولان قسی مورخ مذکورک بعضاً استعمال ایتدیکی شکارینک قره مان تاریخندن
مأخوذدر . مع مافیله حمید بک حقنده تاریخ مذکورده پک زیاده معلومات وار ایسهده
منجم باشی بوقدری اخذ ایشدر . معلومات سائره مذکورده بروجه آتیدر : قره مانک
اشهار فوق العاده سندن طولای حمید بک معیننده بیک کیشی اولدینی حالده سلطان
علاء الدین سلجوقی نژدندن سیواسده قره مانک یانه کلکله پک زیاده مظهر تلطینی
اولدینی . آنکله ارتنایه سلجوقیلرک تعلیم ایتدیکی ، قره مانک سلفکینی استیلاسنده
حمید بکک اعطا ایلدیکی ، قره مانک وارغلی محمد بکک اجرا ایتدیکی محاربانده برابر
بولدینی ، محمد بک فونیقی نسخر ایله ممالک سلجوقیه به حاکم اولدقده نامنه نسبتله

وفاتندہ اولادند « فلك الدين دوندار بك »، رینہ كجدى . بوانشادہ ایران موغوللری سلطان سلجوقی بی کلیاً بر طرف ایدرك آناتولوی نی طوغریدن طوغری به اداره به باشلامشردی . بوتبدل ویرنجی والی اولان امیر « ایرنجین » ك ضعف و سوء اداره سی جهتلیله آناتولیده طرف طرف ناخشنودی حاصل اولدی . دیگر بکله مثللو دوندار بك دخی بو خصوصدن اتهاز فرصت ایدره رك زیراداره سنده اولان محللری بر طرفدن بحر سفید ساحله و آنطالیه شهری قیونیه و دیگر جانبدن دکنزلی و کرمان امارتلی حدودینه قدر توسیع ایلدی . « اکر دیر » شهرنی بنا ایدرك « فلك آباد » تسمیه ایله حکومتیه مرکز اتخاذ ایتدی [۱] .

آنطالیه شهرینه سلجوقیلرك انقراضندن سوكره اولاد اهایلندن بر كسه حاکم اولمش ایدی . بر محل بیده . كیتك ایچون بر كون شهر دن اوزاقلاشان بو شخصی جوارده اولوب دوندار بکه تابع اولان توركمنلر بنقه باصدیروب طوتدیله ، آنطالیه شهرنی اللرینه كچیردیله [۲] . بوسورتله قدیم « پامقلیا » قطعهنك تسخیری دخی آتام ایلدی .

سلطان محمد خدا بنده « خانك امیرالامراسی » چوبان بك ، قره مان اوغلی اشتهار ایدن بلادی حمیده توجیه ایشدیكى و محمد بكك مقتولینی اوزرینه مستقل اولدی . توجیه بلاد حقیقده دخی اترك قسماًسلی بولنانه یازجانی « نك كتابندن : فلك آباد استانوس یوری ، زانطالیه تاكومه چره لو ، بفرمان بر حید حبش بر مراده مصر اعترینی ابراد ایدر . حمید بكك قره مان اوغلی محمد بكك وفاتندن بر خییل مدت سوكره ساحه سیاسیاتده ظهوری محقق اولدیندن شكارینك یازجانی به عطفاً و بر دیكى بو تفصیله حقیقت نظریله باقیله ماز . بلکه منجم باشی دخی بو مكرله تفصیلات محرره بی یازمامشدر .

[۱] تقویم البلدان .



[۲] طریق الرشادالی تعریف المالك والبلاد . اوضح المالك : سپاهی زاده . بوروابت ۷۲۱ سنه سنده تألیف ایدیلان تقویم البلدانه احمد بن یاقوت بن عبدالله الجزری المرشدی الحموی جانبندن ۷۲۳ سنه سنده یازیلان تعنیقانه آنطالیه حجابندن نقل اولندینی بیانیله تحریر ایدلمشدر . بالاده کی آثارك مأخذی تطبیقات مذكوره در .

طرفندن استیلا اولنان قونیه شهرینک استردادی و آنک تأدیجی ضمنده آناتولی به کلوب « قرابنوک » نام قشلاخی اردوگاه اتخاذ ایتدی . ایران موغول دولتک الکیذی نفوذ امراسندن اولان بوذاتک معینده برقوم جیمیه اولدینی حالده ورودی آناتولی طوائف ملوکنه خوف و دهشت القا ایلدی . دوندار بک دخی داخل اولدینی حالده اکثریسی اظهار اطاعت ایچون هدایای ذی قیمی حاملاً بالذات نزدینه شتاب ایتدیلر [۱] . دیکرلری کبی دوندار بک ده چوبان بک طرفندن حرمت و رعایت کورمش و مساعدیه مملکتته عودت ایلش ایدی (۷۱۴) [۲] .

[۱] ۷۱۴ سنده سنده سلطان محمد خدا بنده خان نامنه فلک آباد یعنی اکر دیر شهرنده سکه ضرب اولمشدر . دوندار بکک حادثه مذکوره مناسبتیه تأیید اخلاص ایچون مرکز اداره سنده سلطان مشار الیه نامنه بوسکوکانی ضرب و چوبان بکه تقدیم ایتدیکی آکلاشلیبور . اعضادن و مسکوکات عتیقه اربابندن توجید بک ائدی نزدینه موجود اولان مذکور سکه بازبسی صورتی و بر مکه بروجه زیر درج اولندی :

ظہری

وجہی



[۲] تاریخ اولجا توخان ، جامع التواریخ ذیلی ، ماسمره الاخبار . سوک ائرده وقعاً مذکور سنه سی کوسترلیه ریک سلطان ابوسعیدک جلوسندن سوکره ، تیمور-تاشک آناتولی والیسی نمیندن اول یازلش اولدیشندن ۷۱۷ سنه سنده وقوعی لازم کور . منجم باشی مأخذی اولان ماسمره الاخبارک بو افاده سی نظر دفته آیه رق ۷۱۹ یا خود ۷۲۲ سنه لری اوله رق کوستریبور . چوبان بک سلطان ابوسعید زماننده بالکیز بردفمه ، اوده اوغلی تیمور تاشک عصبانی اوزرینه ۷۲۲ سنه سنده آناتولی به کلشدر . وقعدهن بک آز زمان سوکره تحریر ایدیلان اولجا توخان تاریخنده بیان اولنان ۷۱۴ سنه سی تاریخیدر . ماسمره الاخبار ساحی هر نصله بوبابده غفلت ایتش و منجم باشی دخی خطا ایلشدر .

سلطان محمد خدا بندہ خٹاک و قاپیلہ اوغلی سلطان «ابوسمید بہادر»
 خٹاک اون ایکی یاشندہ ایکن تختہ اجلاسی ایران موغول دولتندہ بعض
 قاریشقلقر حدوتی موجب اولدی . بوخصوسدن آناطولی طوائف
 ملوکنک ہر بریسی برسورتہ استفادہ بہ قالفشدقلری کبی دوندار بک
 دخی سلطان لقبی اخذ ایتدی . صاروخان و منتشا بکری کندینک
 سلطنت و تابعیتی قبول ایتدیلر . ویرکو و ایجابندہ عساکر معاوہ
 اعطاسنہ راضی اولدیلر . حتی ویرکونی دہ کوندردیلر [۱] .

روم والیسی تیمورتاش بک آناطولیسدہ بولسان طوائف ملوکن
 خلیسنی و دوندار بک شرفاً ہم حدود اولدینی اشرف اوغلی خانداتی
 محو واستیصال ایتدکن سوکرہ دوندار بک مالکنہ تجاوز ایتدی .
 دوندار بک تیمورتاشک قوت عظیمہ سنہ فارشی مقاومت ایدہ میہ جکنی
 آکلامغہ مقرر حکومتی اولان اکر دیری ترک ایلہ آنطالیہ بہ چکلدی .
 تیمورتاش تعقیب ایدوب قلعہ بی محاصرہ و ضبط ایدہ رک کندینسی قتل
 ایلدی ، زیر ادارہ سندنہ اولان محللری تماماً استیلا ایتدی . بو حادثہ
 تقریباً ۷۲۴ سنہ ہجریہ سندنہ وقوع بولشدر .

تیمورتاش بک ، بدری چوبان بکک سلطان ابو سعید خان آرہ سندنہ
 ظہور ایدن منافسہ نک مبدل مخاصمہ و محاربہ اولدینقی استخبار ایتدکہ
 مصرہ فرار والتجا ایتدی . دوندار بک قتل اثناسندنہ مملکتک
 برطرفنہ التجا ایلہ اختفا ایدن اوغلی «حضر بک» بووقہ اوزرینہ
 میدانہ چیقدی ، بدرینک زیر ادارہ سندنہ اولان محللرک آنطالیہ دن ماعداسنی
 الہ یکیرہ رک حکمدار اولدی (۷۲۸) .

حضر بک ایلخانیلر طرفندن تیمورتاشدن سوکرہ آناطولی بہ والی
 نصب اولنانلرک آنک کبی طوائف ملوکن قہر و تدمیری فکری تعقیب
 دکل طوعریدن طوغری بہ موغوللر التدہ اولان ممالکک محافظہ سنی بیلہ

اهمال ایندکلیرنی کوردکده بوندن استفادیه قیام ایتدی . اشرف اوغلی
زیر اداره‌سنده ایکن تیمور تاش طرفندن ضبط و فراریله صاحبزقالان
بکشهری ، آقشهر ، سیدی شهری و سائره کبی شهر و بلدانی الیه کچیره رک
مالکنی توسیع ایلدی .

حضر بک پدری کبی سلطان لقبی آلمشدر . مملکتک معموریت
واھالینک رفاهنه سعی و غیرت ایتش بر حکمدار ایدی .

وقاینده یرینه برادری « نجم‌الدین اسحق بک [۱] » ، کجدی . بو ذات
پدری دوندار بک زمانده بر مدت مصرده اقامت ایتش و ایضای فریضه
حج ایلش ایدی [۲] ، مقتولیتی اوزرینه قره‌مان اوغلی زردینه التجا ایدوب
تیمور تاش مصره فرار ایتدکده آنک طرفندن بر قطعه توصیه‌نامه‌نی حاصل
اورایه عزیمت ایدوب پدرینک قانی دعوی ایتش‌کنک تیمورتاشک حبسی
اسباب ظاهره‌سندن بریتی دخی بو طلب ایدی . بعده برادری زردینه عودت
ایلش ایدی [۳] .

اسحق بک دخی سلطان عنواتی اخذ ایتشدر . متدین و اخلاق
حسنه‌ساحبی بر ذات ایدی . زمانده برادری « محمد چلبی » ، کو لحصار (قل حصار)
شهرنده حکومت ایتشدر [۴] .

اسحق بکدن سوکره « ایلیاس بک » یرینه کجدی . شرقاً هم حدود
اولدینی قره‌مانیلرک زیر اداره‌سنده اولان محللره تعرضاتنه مبنی آنلرله
متعدد محاربات اجرا ایتدی . قره‌مان اوغلی علاء‌الدین بک طرفندن
بر قاج دفعه مملکتی ضبط ایدیلرک طرد اولندی . بعض دفعه آنک ایله
اجرا ایتدیکی مصالحه و بعض دفعه دخی کرمان اوغلنک اعانه‌سی ایله

[۱] نزهه صاحبندن روایتاً تاریخ عینی (مفصل) ، ج ۳۳ . ابن بطوطه

سیاحتنامه‌سنده « ابو اسحق » دبه مذکوردر .

[۲] ابن بطوطه سیاحتنامه‌سی ، اورویا طبیبی ، ج ۲ ، ص ۲۷۶ .

[۳] تاریخ عینی ، ج ۳۳ .

[۴] ابن بطوطه سیاحتنامه‌سی ، ج ۲ ، ص ۲۷۰ .

حکومتی تکرار الدہ ابتدی . مع مافیہ قرہ مانیلر بلادینہ تعرضدن فراغت
اجدکلرندن مدت مدیدہ بونک ایراث اییدیکی اندیشہ واضطراب ایله
حکومت اییدی [۱] .

وفاتندن سوکرہ رینہ اوغلی ہ کمال الدین حسین بک ، جلوس اییدی .
زمانندہ قرہ مانیلرک تجاوزاتی تمادی ایتمکدہ اولدیفندن حمایہ سندن بالاستفادہ
تخلیص ملک ایله حضور وسکونہ نائل اولوق ایچون سلطان مراد خان اولہ
التجا ایدہ رک عقد رابطہ اییدی (۷۷۶) [۲] .

سلطان مراد خان اوغلی سلطان بایزیدہ گرمیان اوغلتک قیزی
ترویج ایتمکدہ اجرا اولتان دوکونہ آناطولی حکمداراتنی دہ دعوت
ایلمش اییدی . دیکرلری کبی حسین بک دخی ہدیہ لہلہ ایلچی کوندردی .
دوکوندن سوکرہ حسین بکک ایلچیبی لاجل الوداع حضورہ چیقدقدہ
عسکراقامہ سیلہ قرہ مان اوغلتک مملکتہ تعرضنی منع ایچون حدوددہ اولان
برایکی قلعہ نیک کندینہ فروخت ایلمسنی حین بکدن التماس ایلدیکنی
سلطان مشارالیہ ایلچی بہ بیان اییدی . حین بک قرہ مانیلرک تعدیاتندن
بیزار اولدیفندن التماس واقعی حسن تلقی ایتمش ومع مافیہ بوخصوص مسکوت
قالمش اییدی . لکن برمدت سوکرہ سلطان مراد سپر وتماشا ایچون
ازدواج مذکور حسیلہ ممالک عثمانیہ بہ الحاق اولتان کوتاہیہ شہرینہ
کلدی . حین بک بوحرکتی کندی اوزرینہ ظن ایدہ رک بقیہ ممالکنی
قورتارمق ایچون ایلچی ارسالیلہ ایستیلان قلعہ لرک فروختی تکلیف اییدی .
وقوعبولان مذاکرہ نتیجہ سندن یلواج ، قرہ آناج ، بک شہری ، سیدی
شہری ، آقشہر بلدہ لرینی سکسان بیک آلتون مقابلندہ [۳] حکومت

[۱] جامع الدول . منجم باشی نیک بو بابدہ مأخذی قرہ مان تاریخچدر . بواثر
قبلاً قرہ مان اوغلی علاء الدین بکک شاعری اولان « یارجانی » نیک اُرنندن ترجمہ
ایلدیکندن الیاس بک خندہ کی افادہ سنک حقیقت اولمی لازمکلور .

[۲] فریدون بک منشا آتی ، ج ۱ ، ص ۱۰۰ .

[۳] مراد نامہ : ابراہیم اندی .

عثمانیه به صادی (۷۸۳) [۱] .

حسین بك وفاتنه قدر النده قالان محللرده حكومت ایتدی . وفاتندن سوكره زیر اداره سنده اولان محللك بر قسى دولت عثمانیه وديكر قسى قره مانلیلر طرفندن استیلا اولندی . حمید اوغللری حكومتته نهایت ویرلدى [۲] . مع مافیه حسین بكك وفاتی ، حمید اوغللرینىك انقراضى سنه سى مین دكلدر [۳] .

حمید اوغللری حقنده تاریخلرده موجود اولان معلومات بالاده تماماً بسط و بیان اولمشدر . سلجوقیلرک انقراضندن سوكره آناطولیده تأسس ایدن بکلکرك بالخاصه حمید ، اشرف اوغللرینىك تکه بکلرینك احوال تاریخیه لری بك زیاده ظلمت مجهولیتده در . معلومات موجوده آثار تاریخیه ده طولایسیله یازیلان مهم جزئی پارچه لره محصور در . بونلرک حکمران اولدقلری محللرده واقع مانی خیریه و تربیه وسائر کتابه لرنده ، وقفیه لرنده اجرا اولنه جق تدقیقات احوال تاریخیه لرینی تنویر و توسع ایده جکدر . تدقیقات مذ کوره نك اجراسی تى اولنور .

محمد عارف

[۱] عاشق پاشا زاده ، حدیدی . نشری اسپارطه یی دخی بومواقعه علاوه اشدر .

[۲] جامع الدول

[۳] ا کردیر سو باشیسی قوتلو بك سلطان مراد خاك قره مان اوغلیله وقوع بولان محاربه سنده حاضر بولمش ایدی . ساتون آلتان مواقع حمید اوغللری مملکتك شرق وشمالنده بولمننه نظراً بومملکتك اقسام داخلیه سی حسین بك انده قالدینی واسنك مواقع میمه میانده عدم بیانی ا کردیرک دخی بونلردن اولدینی تبیین ایدیور . امراى عثمانیه دن اولان قوتلو بكك شهر مذ کور سو باشیسی بولمننه نظراً مذ کور وفات وانقراضك حرب مذ کورک وقوعبولدینی ۷۸۸ سنه سندن مقدم اولدینی مستبان اولیور . دره قوسوه محاربه سنده حمید بك زاده سنك ده حاضر بولدینی تاریخلرده مقیددر . فریدون بك منشا آنده (ج ۱ ، ص ۱۵۳) مندرج و تاریخى ۸۱۹ سنه سى اولقى لازمکلان بر مکتوبده حسین بك اسى مذ کور ایسه ده حقیقت دکلدر .